



Partneriaeth Sgiliau Rhanbarthol
Gogledd Cymru

North Wales
Regional Skills Partnership

Ein siaradwyr

Mewn trefn siarad





**Bethan
Williams Price**
Hwylusydd

Mae Bethan yn newyddiadurwr a darlledwr profiadol a fu'n gweithio i BBC Wales News am dros 25 mlynedd.

Fel darlledwr, bu'n gweithio i Newyddion Radio Cymru a Newyddion ar S4C gan ymdrin â straeon newyddion mawr.

Mae hi hefyd yn gyn Bennaeth y Ganolfan, Gogledd BBC Cymru sy'n gyfrifol am ac yn arwain dros 100 o staff ar draws gogledd Cymru.

Mae Bethan yn byw yng Ngwynedd ac mae bellach yn gweithio fel ymgynghorydd cyfathrebu llawrydd. Mae hi hefyd yn gweithio fel Cydymaith gyda'r Sefydliad Ymgynghori.



David Roberts
Cadeirydd a The
Alternative Board

Mae David yn rhedeg yr Alternative Board (TAB) yng Ngogledd Cymru, gan gefnogi perchnogion busnesau a chyfarwyddwyr BBaChau rhanbarthol trwy hyfforddi a chymryd rhan mewn byrddau cyngori cymheiriaid 1-2-1. Mae'n gyfarwyddwr anweithredol PetroStrat Ltd, cwmni gwasanaethau daearegol sydd wedi'i leoli yng Nghonwy.

Cyn sefydlu TAB yn 2015, cafodd David yrfa lwyddiannus mewn rolau Adnoddau Dynol uwch yn y sectorau modurol, electroneg ac adnoddau naturiol. Mae hyn yn cynnwys deg mlynedd fel cyfarwyddwr Wood Mackenzie a dyfodd i 950 o staff ar draws 20 lleoliad yn fyd-eang a throsiant o dros £200m.

Mae David yn cadeirio Partneriaeth Sgiliau Rhanbarthol Gogledd Cymru (RSP), corff sy'n chwarae rhan bwysig wrth adnabod blaenoriaethau sgiliau, siapio polisi'r llywodraeth, ac alinio'r cyflenwad a'r galw am sgiliau a chyflogaeth ar draws pob sector. Mae hefyd yn gadeirydd Sefydliad y Cyfarwyddwyr (IoD) yng Ngogledd Cymru.



Craig Weeks
JCB

Craig yw Cyfarwyddwr Gweithrediadau JCB Transmissions ac mae'n gofalu am 600 o bobl ac yn dosbarthu dros 135,000 o echelau a blychau gêr yn flynyddol.

Mae wedi bod gyda'r cwmni ers dros 27 mlynedd mewn gwahanol rolau. Dros y 2 flynedd ddiwethaf, fel Uwch Arweinydd, mae wedi cynyddu cynhyrchiant 19% ac wedi canolbwyntio ar ymgysylltu ar lawr y siop, datblygu, amrywiaeth ac wedi hyfforddi dros 500 o weithwyr o fewn ymwybyddiaeth iechyd meddwl.

Mae Craig yn angerddol am ddatblygu ei hun, ei dîm, a'r Gymuned. Mae am roi'r cyfle gorau i dyfu a datblygu fel y cafodd o. Mae hefyd yn frwd dros ddiogelu a chreu swyddi i sicrhau bod gan y genhedlaeth nesaf ddyfodol da, ac mae am gyflawni hyn drwy gydweithio ag ysgolion, colegau a busnesau eraill.

Mae Craig eisiau gadael gwaddol lle mae gweithwyr a phobl leol yn cael cyfle i dyfu, datblygu a bod yn llwyddiannus mewn amgylchedd diogel.



Alwen Williams
Uchelgais Gogledd
Cymru

Dechreuodd Alwen ei rôl bresennol ym mis Ionawr 2020 a chyda'i thîm, mae ganddi'r dasg o arwain Cynllun Twf Gogledd Cymru a chyflawni'r Weledigaeth Twf ar gyfer y rhanbarth.

Cyn hyn, cafodd Alwen yrfa 24 mlynedd gyda BT plc a'r darparwr seilwaith Openreach Ltd mewn ystod o rolau arweinyddiaeth strategol a gweithredol gwahanol.

Yn ei gyrfa yn y sector preifat datblygodd Alwen arbenigedd mewn cyfathrebu strategol, gan weithio ym meysydd marchnata, cyfathrebu mewnol, rheoli newid, cysylltiadau cyhoeddus, materion cyhoeddus, ymgysylltu â gweithwyr ac adnoddau dynol. Enillodd hefyd brofiad arweinyddiaeth weithredol mewn darparu gwasanaethau gyda chyfrifoldeb am arwain tîm mawr o beirianwyr maes.

Mae Alwen yn byw yn Yr Wyddgrug, gyda'i gŵr Damian. Mae hi'n cymryd rhan yn rheolaidd mewn heriau codi arian ac yn aelod gwirfoddol o gyngor cynghori Prince's Trust Cymru. Mae hi hefyd yn aelod o fwrdd ymgynghorol Cymru'r Brifysgol Agored.



Nia Bennett
effectusHR / Urdd
Gobaith Cymru

Mae Nia yn Gyfarwyddwr a Phrif Ymgynghorydd Adnoddau Dynol ac OD effectusHR sy'n ymgymryd â gwaith i sefydliadau yn ogystal â Hyfforddi Uwch Reolwyr a Gweithredwyr. Mae gan Nia dros 30 mlynedd o brofiad o weithio mewn rolau Partner Busnes AD ac ar lefel Cyfarwyddwr Gweithredol, cyn sefydlu effectusHR yn 2016.

Yn aelod gwirfoddol gweithgar o CIPD Cymru, mae Nia yn rhan o Grŵp Arweinwyr CIPD. Cynorthwyodd Nia i sefydlu a rhedeg rhwydwaith CIPD Cymru i Uwch Ymarferwyr ddarparu cymorth yn ystod Covid a thu hwnt. Mae Nia wedi bod yn feirniad ac yn Gadeirydd paneli beirniadu ar gyfer Gwobrau CIPD Cymru ers 2018.

Mae Nia yn gwirfoddoli gydag Urdd Gobaith Cymru, ar ôl dechrau ar eu panel Personél ymgynghorol yn 2011. Cafodd Nia ei chyfethol i'r Bwrdd yn 2020 ac roedd yn rhan o'r Gweithgor Brys gydag awdurdod dirprwyedig llawn o ganlyniad uniongyrchol i Covid. Daeth Nia yn Ymddiriedolwr etholedig yn 2021, ac fe'i hetholwyd yn Is-gadeirydd yn 2022 ac yn Gadeirydd y Bwrdd ym mis Rhagfyr 2023.



Michael Learmond
FSB

Mae Mike Learmond yn Uwch Reolwr Datblygu Ffederasiwn Busnesau Bach Cymru, gyda chyfrifoldeb am Ogledd Cymru.

FSB yw grŵp pwysau ymgyrchu mwyaf y DU sy'n hyrwyddo ac yn diogelu buddiannau'r hunangyflogedig a pherchnogion cwmnïau bach. Mae'r FSB yn cefnogi aelodau drwy ystod o fudd-daliadau sydd wedi'u cynllunio i arbed arian i aelodau ac amddiffyn rhag problemau treth a chyfreithiol.

Mae Mike yn gyfrifol am sicrhau bod anghenion busnesau bach yn flaenoriaeth uchel ar yr agenda wleidyddol ac i gyfeirio aelodau'r FSB at ble i gael cymorth pan fydd ei angen arnynt.

Mae'n llefarydd ar ran FSB yng Ngogledd Cymru ac mae ei rôl yn cynnwys lobbio gwleidyddion ar ran busnesau llai, delio â'r cyfryngau, cynrychioli'r FSB mewn gwahanol grwpiau a digwyddiadau, a chefnogi gwirfoddolwyr sy'n trefnu popeth o nosweithiau rhwydweithio i ddadleuon gwleidyddol ar gyfer aelodau'r FSB ledled y rhanbarth.



Dafydd Bowen
Menter a Busnes

Gyda dros 10 mlynedd o brofiad ym maes AD ac OD, mae Dafydd yn cefnogi arweinwyr i gyflawni nodau busnes trwy eu pobl sy'n cynnwys, datblygu's sefydliad a'r staff.

Yn wreiddiol o Glydach yng Nghwm Tawe, dechreuodd Dafydd ei yrfa yng Nghaerlŷr ar ôl graddio o Brifysgol Caerdydd gyda gradd meistr mewn seicoleg alwedigaethol.

Ar ôl dod yn Bennaeth Adnoddau Dynol mewn cwmni recriwtio busnesau newydd, goruchwyliodd dwf cyflym y busnes i ddod yn BBaCh ffyniannus o tua 80 o weithwyr ar draws tair swyddfa, gyda'r holl heriau sy'n ymwneud â phobl a heriau datblygiadol.

Yna symudodd Dafydd a'i deulu ifanc yn ôl i Dde Cymru i weithio i Brifysgol Caerdydd cyn ymuno â Menter a Busnes yn 2021. Mae'n Aelod Siartredig o'r CIPD ac mae ganddo Dystysgrif Ôl-raddedig mewn Rheoli Adnoddau Dynol.



Lesley Richards
CIPD

Mae Lesley yn gyfrifol am gynrychioli'r CIPD yng Nghymru a'n 7,000 o aelodau ar draws y wlad. Mae'n canolbwyntio ar ddyllanwadu ar bolisi, adeiladu partneriaethau, a chyflawni ar gyfer aelodau.

Mae gan Lesley hanes hir gyda'r CIPD, gan ymuno â'n cangen De Ddwyrain Cymru fel aelod myfyriwr.

Cyn ymuno â'r CIPD, treuliodd Lesley 25 mlynedd yn gweithio ym maes Adnoddau Dynol, mewn gwasanaethau proffesiynol a'i busnes ymgynghori ei hun. Treuliodd wyth mlynedd hefyd fel Cyfarwyddwr Adnoddau Dynol Gweithredol Grŵp ar gyfer un o brif ymgynghoriadau marchnata a chyfathrebu Cymru.

Mae Lesley yn parhau i redeg ei hymgyngoriaeth Adnoddau Dynol ei hun gyda sylfaen cleientiaid sy'n rhychwantu'r sectorau preifat, cyhoeddus a dielw.